





# Լուրեր Հայաշխարհին

## Անթիլիասի Մայրուստքին Մեջ Գործարարության Հայաստանի Հանրապետության Հիմնադրության 100-ամեակի Համաշխարհային Համաժողով

Չորեքշաբթի, 21 Մարտ 2018-ին, առաւօտեան ժամը 9:00-ին, Անթիլիասի մայրավանքին մէջ ընթացք առաւ Մեծի Տանն Կիլիկիոյ Կաթողիկոսութեան կազմակերպած Հայաստանի Հանրապետութեան 100-ամեակի եռօրեայ համաժողովը: Համաժողովը կը հովանաւորէր Արամ Ա. Կաթողիկոս՝ ներկայութեամբ Արցախի Հանրապետութեան նախագահ Բակո Սահակեանի: Համաժողովը վարեցին նախագահներ փրոֆ. Ռիչըրտ Յովհան-



նետեան, փրոֆ. Աշոտ Մելքոնեան եւ Երուանդ Փամպուքեան: Համաժողովին կը մասնակցէին Հայաստանի, Արցախի եւ Սփիւռքի գանազան շրջաններէն Անթիլիաս եկած պետական ղեմքեր, ակադեմականներ եւ հասարակական գործիչներ: Յոստակայա ունկնդրելէ ետք Հայաստանի, Արցախի եւ Մեծի Տանն Կիլիկիոյ Կաթողիկոսութեան քայլերգները, դարձեալ տեսուի Պօղոս վրդ. Թիւրքմէն բարի գալուստի խօսք արտասանեց, ապա բեմ հրաւիրեց վեհափառ հայրապետը, որպէսզի իր Հայրապետական պատգամը ուղղէ եւ պաշտօնապէս բացուած յայտարարէ խորհրդաժողովը:

Արամ Ա. կաթողիկոս ողջունելէ ետք ներկաները դիտել տուաւ, որ Մեծի Տանն Կիլիկիոյ Կաթողիկոսութեան առաքելութիւնը եղած է եւ միշտ կը մնայ Աստուծոյ, հայ ժողովուրդին, Հայաստանին ու Արցախին, ինչպէս նաեւ հայ ազգի գերագոյն արժեքներուն ու ճգնաժամներուն ծառայութիւնը: Ինչպէս որ պատահական չէ, որ նման խորհրդաժողով մը տեղի ունենայ կաթողիկոսարանին մէջ: Վեհափառ հայրապետը ասեցուց, որ հայ եկեղեցին հայոց պատմութեան բոլոր ժամանակներուն մեր ժողովուրդի կեանքին հետ սերտօրէն առնչուած է եւ բոլոր իրագործումներուն մէջ իր առանցքային դերն ու տեղը ունեցած: Ան անհրաժեշտ նկատեց հայ եկեղեցին դիտել ու արժեւորել իբրեւ հայ ազգին եկեղեցին եւ հայ ազգին ծառայութեան լրծուած Աստուծոյ ներկայութիւնը:



Վեհափառ հայրապետը իր խօսքին մէջ նաեւ ընդգծեց, որ Հայաստանի Ա. Հանրապետութեան հիմնադրութիւնը սովորական երեւոյթ մը չէր, ինչպէս սովորական երեւոյթ պէտք չէ ստանայ անոր յիշատակումը, որովհետեւ Հայաստանի այս անկախացումը յաջողած է թէ՛ Հայոց Ցեղասպանութեան արհաւիրքին եւ թէ՛ համաշխարհային տագնապալից պայմաններուն, ինչպէս որ Հայաստանի Ա. Հանրապետութեան 100-ամեակը նախ եւ առաջ մեր ժողովուրդին համար պէտք է դառնայ յարգանքի ու երախտագիտութեան արտայայտութիւն այն բոլոր հայորդիներուն նկատմամբ, որոնք գրիչով, խօսքով, գործով, ծառայութեամբ եւ արիւնով անկախութիւն կերտեցին:

Խօսելով խորհրդաժողովին մեթոտաբանութեան մասին՝ վեհափառ հայրապետը ըսաւ, որ պէտք չէ դէպքերը դիտել միակողմանի, զգացական կամ քաղաքական ուսմանակներէն, այլ գանձել պէտք է դիտել քննական ու գիտական մօտեցումով: 28 Մայիս 1918-ն առիթ է արժեւորումի եւ ներկայիս ընդհանրապէս վերջին հարիւրամեակը եւ յատկապէս Ա. Հանրապետութիւնը՝ իր ծայրերով, տարածքներով, շրջապատային պայմաններով, աշխարհաքաղաքական շահերով, որոնք իրենց ազդեցութիւնը ունեցան դէպքերու ու դէմքերու հոլովոյթին վրայ: Պատմութիւնը պէտք է համապարփակ կերպով քննել եւ արժեւորել, որպէսզի ճիշդ կերպով հունաւորենք մեր ներկան եւ մանաւանդ ապագան: Այս պէտք է դառնայ նաեւ Մեծի Տանն Կիլիկիոյ Կաթողիկոսութեան կողմէ կազմակերպուած այս համահայկական համաժողովին նպատակը, յայտնեց վեհափառ հայրապետը:

Եզրափակելով իր խօսքը՝ Արամ Ա. կաթողիկոս թուեց երկու կենսական անդրադարձներ.

### ՅԱՅՏԱՐԱՐՈՒԹԻՒՆ

ՀՀԴ Հայաստանի կազմակերպութեան 21-րդ Գերագոյն ժողովը, քննելով Հայաստանի քաղաքական, ընկերային-տնտեսական իրավիճակը, ներքին եւ արտաքին ճակատների վրայ առկայ մարտահրաւերները, արձանագրում է.



Սահմանադրական փոփոխութիւններից բխող պետական կառավարման համակարգի փոփոխութիւնները եւ համապատասխան օրէնսդրական կարգաւորումները անհրաժեշտ նախադրեալներ են ստեղծել մեր պետականութեան կայուն զարգացման համար:

Հայաստանի եւ Արցախի Հանրապետութիւնների անվտանգութեան հիմնախնդիրը շարունակում է մնալ հիմնական օրակարգ եւ թելադրում է առաջնահերթ ռազմավարութիւնները պետական եւ հանրային կեանքի տարբեր ասպարեզներում:

ԵԱՏՄ եւ ԵՄ-ի հետ գործընկերային յարաբերութիւնների համադրմամբ բարենպաստ միջավայր է ստեղծուել բազմաշառուի, փոխընդունող արտաքին քաղաքականութիւն իրականացնելու, քաղաքական եւ տնտեսական բարեփոխումները արդիւնաւորելու համար:

Առ այդ, յառաջիկայ երկամեայ ժամանակաշրջանի համար ՀՀԴ Հայաստանի Գերագոյն ժողովը առաջնահերթ է համարում.

- իրաւունքի գերակայութեան սկզբունքների լիարժեք իրացումը երաշխաւորող մարդու իրաւունքների ու ազատութիւնների ապահովման համակարգի ձեւաւորումը,

- կայուն զարգացում ապահովող ընկերվար շուկայական տնտեսական համակարգի ձեւաւորումը, ընկերային արդարութեան սկզբունքների պահպանման գործում պետութեան առաջնային դերակատարութեան ստանձնումը եւ նոր աշխատատեղերի ու եկամտաստեղծ գործունեութեան խթանումը,

- հանրային կեանքի բոլոր ոլորտներում համակարգային եւ որակական փոփոխութիւնների իրականացումը, իշխանութեան մարմինների թափանցիկ, հաշուետու եւ արդիւնաւետ աշխատանքը, փտածութեան դէմ քաղաքականութեան աշխուժացումը,

- հասարակութեան մէջ պետութեան եւ ապագայի հանդէպ վստահութեան հիմքերի ստեղծումը,

- երկրի առաջնահերթ զարգացման ռազմավարական տեսլականի մշակումը եւ դրանից բխող ծրագրերի իրագործումը,

- «Ազգ-բանակ» հայեցակարգի ամբողջական գործարարման եւ ռազմարդիւնաբերական համակարգի զարգացման նախադրեալների ստեղծմանն աջակցումը,

- ժողովրդագրական աշխուժ քաղաքականութեան իրականացման ուղղութեամբ թիրախաւորուած ու գործունէ քայլերի ձեռնարկումը եւ արտագաղթի կասեցումը:

Մեկնելով այս հաստատումներից եւ առաջնահերթութիւններից՝ Հայաստանի առաջին հանրապետութեան 100-ամեակի շեմին ՀՀԴ Հայաստանի կազմակերպութիւնը վերահաստատում է իր կամքն ու վճռակալութիւնը հետեւողական եւ ամենօրեայ աշխատանքով նպաստելու մեր պետականութեան հետագայ զարգացմանը, մեր ժողովրդի անվտանգ եւ արժանապատիւ կեանքի պայմանների ապահովմանը:

ՀՀԴ Հայաստանի Գերագոյն ժողով  
25 Մարտ 2018

## ՀՀԴ-Ն ԶԵՌՆՊԱՆ ԲՈՒԷՄՐԿԵՅ ՏՆՏԵՍԱԿԱՆ ՄՐՅԱՎՅՈՒԹԵԱՆ ՊԱՇՏՊԱՆՈՒԹԵԱՆ ՊԵՏԱԿԱՆ ՅԱՆՁՆԱԺՈՂՈՎԻ ՕՐԵՆՔԻՆ

Հայաստանի Ազգային ժողովը կը քննարկէ Տնտեսական մրցակցութեան պաշտպանութեան պետական յանձնաժողովի օրէնքին մէջ փոփոխութիւններ եւ լրացում կատարելու մասին օրինագիծը երկրորդ ընթերցումով եւ ամբողջութեամբ քուէարկելու հարցը, որուն առնչութեամբ առաջարկ ներկայացուց ՀՀԴ խմբակցութեան քարտուղար, ՀՀԴ Հայաստանի Գերագոյն մարմինի ներկայացուցիչ Աղւան Վարդանեան եւ ըսաւ, որ պէտք է թոյլ տալ խորհրդարանական ընդդիմութեան՝ յանձնաժողովի անդամներէն մէկը ներկայացնելու: Ան նախ խօսեցաւ օրէնքի եւ մարմինի բացառիկ կարեւորութեան մասին:



«Մեր տնտեսութեան համար մենաշնորհները, գերիշխող դիրքի չարաշահումները, հակամրցակցային պայմանաւորութիւնները կը հանդիսանան մեծագոյն խնդիրները, եւ զուգարդիպութիւն չէ, որ ՀՀԴ-ն այս յանձնաժողովի աշխատանքը եւ մենաշնորհի դէմ պայքարը նկատած է առաջ-







Փաստաբանի Անկիւնը

ԻՄԱՆԱՆՔ ԵՒ ՊԱՇՏՊԱՆՈՒԻՆՔ



Փաստաբան Մարիա Գաբրիելյան

«Գանձասար»ի այս սիւնակը կը միտի իրագրել դարձնել հասարակութիւնը գիկը հետաքրքրող սուրիական օրէնքներուն: Առ այդ, պատրաստակամ ենք ընդունելու օրէնքներու վերաբերող ձեր լուսաբանական հարցումները եւ թերթին ճամբով պատասխանելու անոնց: Ձեր հարցումները կրնաք ուղարկել հետեւեալ էլեկտրոնային հասցէին (E-mail) mariavaroujankaprielian@hotmail.com: Մեր իրաւունքները պաշտպանուած են օրէնքներով՝ իմանալը եւ պաշտպանուիլը: «Գանձասար»

ԱՆՅԱՅՏ ԿՈՐՍՈՒԾԸ

Սուրիոյ պատերազմի տարիներուն սուրիացի շատ մը ընտանիքներ կորսնցուցին իրենց անդամները՝ ահաբեկչական գործողութիւններու, առեւանգումի կամ այլ պատճառներով: Այդ ընտանիքները կարելիութիւն չունեցան բացայայտելու իրենց հարազատին ճակատագիրը՝ ողջ թէ մահացած ըլլալը, որուն պատճառով անոնք հոգեկան տառապանքի կողքին դիմագրաւեցին գործնական բազմաթիւ դժուարութիւններ առնչուած անհետացած անհատին գործերու կասեցման կամ անոր գոյքերու տնօրինման հետ:

Այս ուղղութեամբ, ամենօրեայ դրութեամբ բազմաթիւ հարցադրումներ կը ստանանք, որոնց հիմնականը կը կեդրոնանայ անհետացածին ունեցուածքին հետ վերաբերելու կամ գիկը մահացած համարելու կարելիութեան ու պայմաններուն վրայ:

Ուրեմն անհետացած անձին ունեցուածքին հետ վերաբերելու համար անհրաժեշտ է գիկը մահացած համարել, այսինքն՝ մահացած ըլլալու դատական վճիռ ունենալ, իսկ այդ կը կատարուի հետեւեալ պայմաններով:

ա. -Երբ երկու վկայ ակնատես եղած ըլլան կորսուածի կամ բացակայի մահուան պատահարին (կամ սպաննութեան): Այս պարագային ակնատեսներու վկայութեան հիման վրայ կը հաստատուի մահը եւ կ'արձակուի մահուան վճիռը:

բ. -Եթէ ոչ ոք ակնատես եղած է մահուան, ապա պէտք է գանահանել երկու պարագայ:

-I-Եթէ անոր անհետանալը առնչութիւն չունի ռազմական գործողութիւններու հետ, ապա անհետացածը մահացած կը համարուի, եթէ ութսուն տարիքը թեւակոխած է:

II-Եթէ անհետացումը առնչութիւն ունի ռազմական գործողութիւններու կամ նմանօրինակ պարագաներու հետ, ապա կարելի է անոր մահը՝ հաստատել կորսուելու թուականէն չորս տարի ետք:

Անյայտ կորսուածին նկատմամբ մահուան վճիռ տալը կ'ունենայ հետեւեալ հետեւանքները:

ա. -Անհետացած անձին կինը այրի կը համարուի եւ կրնայ ամուսնանալ անոր հետ ետք կրօնական (ըստ կրօնի ու համայնքի) սկզբունքներով ճշդուած ժամկետը:

բ. -Անհետացած անձին ունեցուածքը որպէս ժառանգ կը բաժնուի այն ժառանգորդներուն, որոնք ողջ են մահուան վճիռ արձակուած պահուն: Իսկ անոնք, որոնք մահացած են կորսուելէ ետք, բայց նախքան վճիռի արձակումը՝ ժառանգորդ չեն համարուիր:

ՆԱՄՍԿԱՆԻ

ա. -Ս.Պ. -ը կը հարցնէ, որ դատական նիստի իրաւերին կոչնագիրը եթէ անձամբ ստացած եւ ստորագրած չըլլայ, ապա այդ մէկը կ'ընդունուի՞ դատարանին կողմէ:

Պատասխան. -Դատարանը կ'ընդունի եթէ կոչնագիրը ստանձնած է փոխանորդը, կամ ծառայողը, կամ իր հետ ապրող հայրը, մայրը, քոյրը, եղբայրը, կինը, գաւազները, որոնք բոլորած են տասնութ տարիքը:

բ. -Ս.Մ. -ը կը հարցնէ, որ եթէ դատահայցը եւ պաշտպանեալը բացակային դատական նիստէն, ի՞նչ կը պատահի:

Պատասխան. -Այս պարագային դատարանը կ'որոշէ ջնջել դատահայցի պահանջագիրը:

գ. -Ս.Տ. -ը կը հարցնէ, որ Հայ առաքելական համայնքի դատական ատենակին ներկայացուած ամուսնալուծման դատի պարագային, կինը որքա՞ն ժամանակ սննդագին կը ստանայ:

Պատասխան. -Կինը սննդագին կը ստանայ դատական պահանջագիրի ներկայացման թուականին նախորդող չորս ամիսներէն մինչեւ ամուսնալուծման վճիռի արձակման թուականը:

Նշմար

ՍՈՒՐԻԱՆ

Ես ոչ արաբ եմ, ոչ ալ քիւրտ: Ես հայ եմ, սուրիացի՛ հայ, որուն արիւնը եռաց, երբ թրքական բանակը մտաւ Աֆրին ու թրքական դրոշակը բարձրացաւ քաղաքին վրայ:

1938-ին ես չէի ծնած, սակայն երբ, որպէս դպրոցական պատանի, իմացայ, որ Աղեքսանտրէի մարզը փրցուցեր են մեր «բարեկամ» ֆրանսացիներն ու թուրքին տուեր, կրկին արիւնս եռաց:

1967-ին, երբ համալսարանական ուսանող էի ու Իսրայէլը գրաւեց Սուրիոյ Կոլանի բարձունքները, արիւնս դարձեալ եռաց:

Հիմա, սուրիական պատերազմի ութերորդ տարուան շեմին, անցնող եօթը տարիներու 70 տեսակի ցնցումներէն ետք, երբ կը նայիմ Սուրիոյ մասնատուած քարտէզին, կը փորձեմ գտնել բարկութիւնս, որ արիւնս չեռայ ու երակներէս դուրս չժայթքի:

Կարծես գիշատիչներու խնձոյք է, բորենիները հաւաքուած են վի-



րաւոր երկրին շուրջ, ժանիքներն ու մագիլները սրած, ամեն մէկը անկէ պատառ մը կ'ուզէ փրցնել:

Իսրայէլ հարաւէն, Թուրքիա հիւսիս-արեւմուտքէն, քիւրտերը հիւսիս-արեւելքէն, Իսլամական պետութիւնն ու ընդդիմադիրները մէջէն, ասոնց վրայ ալ ռուսական, իրանական եւ ամերիկեան ախորժակները... Սուրիան դարձաւ ոչ թէ կռուախնձոր, այլ բռնաբարեալ հարս:

Ես սուրիացի եմ եւ կը սիրեմ երկիրս: Սիրած եմ ու պիտի շարունակեմ սիրել եւ ցաւիլ անոր հասած որեւէ վնասին համար: Սուրիան երկիր մըն է, հողատարածք մը, որ պատմութիւն ունի եւ մշակոյթ: Չանագան ազգեր ու տարբեր իշխանութիւններ այստեղ եկեր են ու անցեր: Ոմանք իրենց գեղեցիկ դրոշմը ձգելու անցեր են, ուրիշներ՝ եղածը քանդելու անցեր: Իշխանութիւնները կու գան ու կ'երթան, սակայն հողը կը մնայ: Կը մնայ ու իր մէջ կը պահէ յիշատակներ, որոնք չեն տժգունիր, յատկապէս, երբ անոնց արժեքը գիտցող եւ գանոնք պահպանող սերունդներ կը յաջորդեն իրարու:

Մարդիկ, երբեմն կը շփոթեն երկիրն ու իշխանութիւնը: Կրնաս չհամակրիլ իշխանութեան, սակայն չես կրնար չսիրել ու չպաշտպանել երկիրը, որ սովորական հող չէ, այլ քաղաքակրթութեան բազմաշերտ ու բազմերանգ պատմութիւն:

Ու դարձեալ, քանիբերորդ անգամ ըլլալով ուղեղս կը մրճահարէ մէկ ու միակ հարցական մը՝ «ԻՆՉՈ՞Ւ՛Է... Ինչո՞ւ այս գեհե՛նսածին ու սատանայական պատերազմով պատուհասեցին Սուրիան: Ինչո՞ւ համար անոր խաղաղ երկինքը սեւով պատեցին ու անոր հարուստ հողը արիւնով ներկեցին: Ու կարծես չէր բաւեր արեան գոյնը, թրքական արնաներկ դրոշակները եկան «խնձոյքը» ամբողջացնելու:

Թուրքը, որ մեր ոխերիմ թշնամին է, այսօր կրկնակի թշնամի դարձած է, որովհետեւ հայ ենք եւ սուրիացի: Հաւատարիմ քաղաքացիները այն երկրին, որուն փառքի օրերուն ցնձացինք, իսկ տագնապի օրերուն կիսեցինք անոր ցաւը, կիսեցինք ոչ միայն սուգով ու ողբով, այլ շարք մը գոհերով ու նահատակներով: Մեր ճակատագիրը կապուած մնաց այս երկրի ճակատագրին, որովհետեւ, ան որքան որ տեղացիինն է, նոյնքան ալ մերն է:

Պատերազմը ահաւոր բան է, իսկ քաղաքականացուած պատերազմը արհաւիրք է, որուն տուրքը ակամայ կու տայ խաղաղ ժողովուրդը, մինչ կարգ մը իմաստակներ դեռ կը շարունակեն մնացողին բաց վերքին վրայ աղ ցանել: Ի՞նչ դիւրին է հեռուէ հեռու քարոզ կարդալ ու խրատ տալ՝ «Մենք չըսի՛նք...»:

Օրը կու գայ, Սուրիան դուրս կը շարտէ երկիրը պղծողները, կը դարմանէ իր վերքերը, կ'ապաքինի ու լուսաւոր աչքերով կը նայի գալիք պայծառ օրերուն:

Յակոբ Միքայէլեան











**Մ Տ Ա Մ Ա Ր Զ Ա Ն Բ**



**ԽԱՉԲԱՌ (ՄԽ 242)**

|    | 1 | 2 | 3 | 4 | 5 | 6 | 7 | 8 | 9 | 10 | 11 | 12 |
|----|---|---|---|---|---|---|---|---|---|----|----|----|
| 1  |   |   |   |   |   |   |   |   |   |    |    |    |
| 2  |   |   |   |   |   |   |   |   |   |    |    |    |
| 3  |   |   |   |   |   |   |   |   |   |    |    |    |
| 4  |   |   |   |   |   |   |   |   |   |    |    |    |
| 5  |   |   |   |   |   |   |   |   |   |    |    |    |
| 6  |   |   |   |   |   |   |   |   |   |    |    |    |
| 7  |   |   |   |   |   |   |   |   |   |    |    |    |
| 8  |   |   |   |   |   |   |   |   |   |    |    |    |
| 9  |   |   |   |   |   |   |   |   |   |    |    |    |
| 10 |   |   |   |   |   |   |   |   |   |    |    |    |
| 11 |   |   |   |   |   |   |   |   |   |    |    |    |
| 12 |   |   |   |   |   |   |   |   |   |    |    |    |

- Հորիզոնական**
- 1-Ս. Յարութեան տոնի շարական:
  - 2-Հակառակ՝ տարածքի միաւոր: Հակառակ՝ յոգնակերտ մասնիկ: Սիւսանթի ծննդավայրը:
  - 3-Հակառակ՝ 5200: Գոյութիւն ունի:
  - 4-Ժամանում: Հակառակ՝ տառի մը անունը: 9001:
  - 5-Տարի: Սրբուհի մը: Յաւի ճիչ:
  - 6-Հակառակ՝ պէս: Թատերական ներկայացումի դադար: Ձայնակիչ:
  - 7-460: Բրինձ:
  - 8-1990-ին հոն կը նահատակուի Մովսէս Գորգիսեան:
  - 9-Աշակերտ: Գնացք: Հակառակ՝ Սուրիոյ մէջ քրիստոնաւական ուխտավայր մը:
  - 10-Հակառակ՝ տառի մը անունը: Ախորեան գետին մօտ գտնուող դաշտ:
  - 11-307: Ծշմարիտ: Հակառակ՝ աղբիւր:
  - 12-Հակառակ՝ հին վերջի հետք: Ականջ: Հակառակ՝ դատարկ:

- Ուղղահայեաց**
- 1-Յակոբ Մնձուրիի երկերէն: Մարգարէ մը:
  - 2-Շարունակ: Անկարելոր դէպք:
  - 3-Դնդեր:
  - 4-24 ժամ: Գոյութիւն ունի: Արգելական:
  - 5-Հակառակ՝ որսալու խայծ: 45: Հակառակ՝ յարաբերական դերանուն:
  - 6-Իրերայաջորդ տառեր: Հակառակ՝ իգական անուն: Երթ:
  - 7-Այս Կիրակի նշուած հրաշափառ տօն:
  - 8-Հակառակ՝ ցեղի մը: Արական անուն:
  - 9-Ժամանում: 1992-ին Արցախի մէջ Վաղարշակ Առուշեանի վառած մարտերու վայրը:
  - 10-Ազատ: Թաքուն պայթուցիկ:
  - 11-Տարածքի միաւոր:
  - 12-Փողոցային: Մեղուներու խումբ:



**Պատրաստեց Մարինա Զիւրաբեան-Պողիկեան**  
**ՍՈՒՏՈՔՈՒ (ՄՍ 242)**

Տեղադրէ՛ (1-9) թուանշանները (9x9) քառակուսիներուն մէջ այնպէս, որ իւրաքանչիւր հորիզոնական եւ ուղղահայեաց տողի մէջ, ինչպէս նաեւ (3x3) տուփիկի մէջ մէկ անգամ արձանագրուին:

|   |   |   |   |   |   |   |   |   |
|---|---|---|---|---|---|---|---|---|
|   |   |   | 8 | 4 |   |   |   |   |
| 2 |   |   | 7 | 9 |   | 4 | 8 | 5 |
|   |   |   | 6 |   |   | 2 |   | 7 |
| 9 | 1 |   |   |   |   |   | 7 |   |
| 6 |   |   |   |   |   | 3 |   | 9 |
|   | 7 | 3 | 2 |   |   | 8 |   |   |
|   |   |   |   |   | 4 | 9 | 5 |   |
| 4 | 5 | 9 | 1 | 3 | 6 |   |   |   |
| 8 |   |   |   |   | 2 |   |   |   |

**ՊԱՅՈՒԱԾ ԲԱՌ (ՄՊ 13)**

Պետրոս Դուրեանի բանաստեղծութիւններուն վերնագիրները ջնջելով գտէ՛ք պահուած բառը:

Պահուած բառը 14 տառերէ բաղկացած Պետրոս Դուրեանի բանաստեղծութիւններէն մէկը կը ներկայացնէ:

|   |   |   |   |   |   |   |   |   |   |
|---|---|---|---|---|---|---|---|---|---|
| մ | տ | ր | տ | ն | ւ | ն | ջ | ք | թ |
| ս | ա | ի | մ | դ | դ | ձ | ք | շ | ք |
| ի | տ | ն | ն | ւ | ք | ա | ն | ւ | ք |
| ք | ա | ի | ի | ե | ն | ժ | հ | ն | ն |
| ե | դ | ա | ց | շ | ք | ջ | ե | հ | ւ |
| լ | յ | ա | ս | ի | ա | ա | դ | լ | հ |
| ս | ե | ւ | ս | ե | ւ | կ | հ | զ | ի |
| ի | մ | ց | ա | ւ | ք | թ | տ | ե | ն |
| ձ | ն | ն | ի | կ | ք | ա | է | ն | տ |
| ի | մ | մ | ա | հ | ք | լ | ճ | ա | կ |

«Դրժել», «Տրտունջք», «Իմ Մահը», «Թրքուհին», «Լճակ», «Ձոնիկք», «Հուշք», «Իմ Յաւը», «Սիրելի», «Մանիշակ», «Սեւ-Սեւ», «Ներա Հետ», «Չղջում», «Իցիւ Թէ», տաղ

**ԼՈՒԾՈՒՄՆԵՐ**

**ԽԱՉԲԱՌ (ՄԽ 241)**

| 1  | 2 | 3 | 4 | 5 | 6 | 7 | 8 | 9 | 10 | 11 | 12 |
|----|---|---|---|---|---|---|---|---|----|----|----|
| 1  | կ | ա | ր | օ | ս | ա | ւ | ն | ւ  | ի  |    |
| 2  | ն | չ |   | ճ | ա | ւ | ա | ն |    |    | վ  |
| 3  | մ | ա | ր | ա | լ |   | կ | ո | ր  | կ  | ո  |
| 4  | ի | լ |   | ն | ո | ր | ո | գ | է  | լ  |    |
| 5  | տ | ո | լ |   | ր |   | լ | է |    | կ  | ա  |
| 6  | ա | ւ | ա | ւ |   | ր | լ | լ |    | կ  |    |
| 7  | ս | ր | ք | ա | ւ |   | ի | ա | ւ  | ի  |    |
| 8  |   | շ | ա | ւ | ա | ւ | է | ր | կ  | ա  | ւ  |
| 9  | ք |   | ն | ա | զ | ա | ր | է | թ  | ն  | տ  |
| 10 | ի | կ |   | ր | լ |   | ա | ւ | ւ  | ա  |    |
| 11 | ր | ա | ւ |   | է |   | կ | ա | տ  | կ  | ր  |
| 12 | տ | ն | տ | է | ս | ի | կ | ի | ր  | ա  | կ  |

**ՍՈՒՏՈՔՈՒ (ՄՍ 241)**

|   |   |   |   |   |   |   |   |   |
|---|---|---|---|---|---|---|---|---|
| 2 | 5 | 1 | 3 | 8 | 6 | 7 | 4 | 9 |
| 8 | 3 | 7 | 4 | 9 | 5 | 6 | 2 | 1 |
| 9 | 4 | 6 | 2 | 7 | 1 | 3 | 5 | 8 |
| 7 | 6 | 9 | 8 | 4 | 3 | 2 | 1 | 5 |
| 5 | 2 | 4 | 1 | 6 | 9 | 8 | 7 | 3 |
| 1 | 8 | 3 | 5 | 2 | 7 | 4 | 9 | 6 |
| 3 | 7 | 2 | 9 | 1 | 8 | 5 | 6 | 4 |
| 6 | 9 | 5 | 7 | 3 | 4 | 1 | 8 | 2 |
| 4 | 1 | 8 | 6 | 5 | 2 | 9 | 3 | 7 |

**ՊԱՅՈՒԱԾ ԲԱՌ (ՄՊ 12)**

Պահուած բառը՝ Մարդարապատ

## ԻՆՉ ԿՐՄԵՆ ԱՍՏՂԵՐԸ

**ԽՈՅ**  
Աշխոյժ գործունեություն պիտի ունենաք այս օրերուն: Առիթ պիտի ունենաք ուրախանալու որոշ անձերու կողքին: Նիւթական հարց մը պիտի քննարկէք:

**ՑՈՒԼ**  
Մի՛ կորսնցնէք ձեր վստահութիւնը, երբ հանդիպիք դժուարութիւններու: Պիտի համակերպիք ձեր միջավայրին եւ երեւան հանէք ձեր ձիրքերը:

**ԵՐԿՈՒՐԵԱԿ**  
Ձեր ընտանեկան կեանքը կարիք ունի ուշադրութեան եւ սիրոյ: Ձեր գաւակներէն մէկուն մասին լաւ լուր մը պիտի ստանաք:

**ԽԵՑՂԵՏԻՆ**  
Դժուար շրջան մը պիտի ըլլայ: Ստիպուած՝ դիմադրութեան պիտի դիմէք: Չգոյշ եղէք պատիժէ եւ տագնապներէ՝ ձեր միջավայրին մէջ:

**ԱՌԻԾ**  
Հակառակ կարգ մը ընդդիմութիւններու՝ լուծումներու պիտի յանգիք: Պաշտպանեցէք ձեր իրաւունքները, նոյն ատեն կատարեցէք ձեր պարտաւորութիւնները:

**ԿՈՅՍ**  
Ամէն ինչին կարելորութիւն մի՛ տաք: Շրջանցեցէք փոքր սխալները: Յաւելեալ աշխատանք եւ պարտաւորութիւն պիտի ունենաք:

**ԿԵՒՈՔ**  
Նեղութիւն պիտի զգաք եւ տուկուն ջիղերով պիտի լուծէք ձեր խընդիրները: Այս օրերուն դժուարութիւն պիտի ունենաք արտայայտուելու:

**ԿԱՐԻՃ**  
Թէեւ լաւ առիթ մը ունիք, բայց պահանջուածը մեծ ճիգ թափելն է՝ օգտուելու համար բախտէն: Դըժուար ու խորթին շրջան մը պիտի ապրիք, որ պիտի ազդէ ձեր անձնական կեանքին վրայ:

**ԱՂԵՂՆԱՒՈՐ**  
Ընդհանուր մթնոլորտը տագնապալից է: Լուռ մնացէք եւ մի՛ բացայայտէք ձեր գաղտնիքները: Ընտանեկան հակադրութիւններու դիմաց պիտի գտնուիք:

**ԱՅՅԵՂՋԻՐ**  
Ամսուան լաւ օրերէն մէկն է: Ձեր կողքին են ձեր սիրելի ընկերները, որոնք պիտի օգնեն ձեզի եւ փոխարինեն այն, ինչ որ կորսնցուցիք:

**ՋՐՈՍ**  
Ձեր հարազատներէն մէկուն դրամական օգնութիւն պիտի տաք: Մի՛ յուսահատիք: Ձեր գործին վրայ լուսարձակներ պիտի կեդրոնանան:

**ՁՈՒԿ**  
Համբերող եղէք, մինչեւ որ փոթորիկը անցնի: Փորձեցէք լուծումներ գտնել: Ստիկ ըրէք այլոց կարծիքը: Խաբէբայութեան արարքներ Պիտի նեղացնեն ձեզ:



## ՆԱԽԱՊԱՏՐԱՍՏՈՒԵԼՈՎ Ս. ՉԱՏԿՈՒԱՆ ՏՕՆԻՆ

Այս տարի, Կիրակի, 1 Ապրիլին, Հայ Առաքելական Եկեղեցին կը յիշատակէ Քրիստոսի հրաշափառ Յարութեան տօնը՝ Ս. Չատիկը:

Չատկուան Նախօրէին պահքէն դուրս գալու համար պետք է Ս. Չատիկի ճրագալոյցին՝ Շաբաթ օր, առտուընէ ծոմ պահել (ոչինչ ուտել եւ խմել, ծոմ չեն պահեր առողջական հարց ունեցողները, մանուկները, կաթնտու մայրերը կամ յղիները), իսկ երեկոյեան մասնակցելով ճրագալոյցի Պատարագին՝ (ժամը 18:00) Ս. Հաղորդութիւն ստանալ, որմէ ետք դուրս գալ պահիք:

Ս. Չատկուան առիթով հաւկիթ կը ներկեն սովորաբար տօնի Նախօրը շաբաթ օրը, իսկ երեկոյեան ճրագալոյցէն ետք, կը պատրաստեն գատկուան սեղանը:

Կարմիր ներկուած հաւկիթը յարութեան եւ Նոր կեանքի խորհրդանշան է: Կարմիր գոյնը կը խորհրդանշէ խաչեալ Յիսուսի կենսաբար արիւնը,

որ հեղեցաւ մեր փրկութեան համար:

Սխալ է այն կարծիքը, ըստ որուն Աւագ Հինգշաբթի օր ընտանիքի անդամներուն թիւով հաւկիթ կը ներկեն եւ կ'ուտեն: Աւագ Հինգշաբթին պահքի շրջան է: Եկեղեցւոյ հայրերը կը յայտնեն, որ եթէ Մեծ Պահքը պահենք օրինականութեամբ, սակայն Աւագ Հինգշաբթի խախտենք գայն, չեղեալ կը համարուի Մեծ Պահքը պահելու մեր ամբողջ ջանքը:

Չատկուան օրը կ'ուղղուիք եկեղեցի՝ մասնակցելու Ս. Չատկուան Պատարագին: Այդ օրը գիրար կը շնորհաւորենք «Քրիստոս յարեալ ի մենելոց» անտիփով:

Ս. Չատկուան տօնին առիթով անհրաժեշտ է քահանայ հայրը տուն հրաւիրել՝ տնօրինելի կարգը կատարելու:

Ս. Յարութեան տօնը Նաեւ Յարութիւն անունը կրողներուն եւ Յարութիւնեան գերդաստաններուն անուանակոչութեան օրն է:

## ԻՆՉՊԵՍ ՉԱՐԴԱՐԵԼ ՉԱՏԿՈՒԱՆ ՍԵՂԱՆԸ

Նախընտրելի է գատկուան սեղանը ծածկել կանաչ կամ դեղին սփռոցներով:

Կարելի է սեղանին վրայ բաժակներ տեղադրել ու անոնց մէջ գետեղել ներկուած հաւկիթները՝ գանոնք փաթթելով գունաւոր անձեռոցիկներով:

Չատկուան ծառը զարդարելու համար կարելի է ներկել ծառի մը փոքր ճիւղերը եւ զարդարել գանոնք գունաւոր հաւկիթներով եւ ձեռային աշխատանքներով:

Չատկուան սեղանը կարելի է զարդարել Նաեւ կանաչ ծոթիկնով ու հաւկիթով բոյներ պատրաստելով:

Ստորեւ կը ներկայացնենք գատկուան յարդարանքի պատկերներ:



## ՉԱՏԿՈՒԱՆ ՊՐԻՈՇ

- Բաղադրութիւն**  
 9 գաւաթ ալիւր  
 8 հաւկիթ (սենեակի տաքութեամբ պահուած)  
 1,5 գաւաթ հալած կարագ  
 2 գաւաթ շաքար  
 2 գաւաթ կաթ  
 2 ծրար չոր թթխմոր  
 2 թէյի դգալ աղացած մահլապ  
 0,25 թէյի դգալ աղացած մուշկ (մեզ տեքի)  
 Երեսը ծեփելու համար 2 հաւկիթի դեղնուց՝ քիչ մը ուխքիով խառնուած



**Պատրաստութիւն**  
 Գաղջ կաթին մէջ շաքարը, ապա հալած կարագը անելցնել: Հաւկիթները զարնել հարիչով, վրան անելցնել կաթին բաղադրութիւնը, ապա ալիւրը, մահլապը, մուշկը եւ թթխմորը ու շաղել: Խմորը ձգել 5 ժամ, որպէսզի թթուի, ապա գանազան ձեւեր տալով անոր ու հաւկիթի դեղնուցով ծեփելով եփել՝ 160 ջերմաստիճան տաքութեամբ փուռին մէջ: Կարելի է Նաեւ ճուտի ձեւով պատրաստել պրիոշը՝ աչքերուն տեղ սեւ չամիչ գետեղելով:





Ռաֆֆի Սիլվանյան

## ՄԻՋԱԶԳԱՅԻՆ

Ծանոթացում Ռուսիա 2018-ի Մասնակից Հաւաքականներու Պատմականին

«ԹԻԻ - 16»

Նիճերիա

Նիճերիոյ ֆուտբոլի Դաշնակցութիւնը հիմնուած է 1945-ին եւ միջազգային կազմակերպութեան միացած՝ 1959-ին:



Միջազգային մակարդակով իր առաջին մրցումը կատարած է 1949-ին՝ 2 - 0 արդիւնքով պարտութեան մատնելով Սիրալիոնի հաւաքականը: Համաշխարհային մրցումներուն իր մասնակցութիւնը բերած է հինգ անգամ. - 1994 - 1998 - 2002-2010- 2014 տարեշրջաններուն եւ յաջողած է արձանագրել տպաւորիչ արդիւնքներ:

Նիճերիոյ ֆուտբոլը եղած է Ափրիկէի լաւագոյններէն եւ արտադրած է համաշխարհային նշանաւոր ակումբներուն համար բազմաթիւ խաղողներ: Ափրիկէի ափոյեանութեան ամպիոնին հասած է երեք առիթներով՝ 1980, 1994, 2013 թուականներուն: Հաւաքականի պաշտօնական տարագր կաւաչ է, իսկ երկրորդական տարագր՝ ճերմակ: Խումբի մարզիչի պաշտօնը ներկայիս կը վարէ գերմանացի Կիրսո Ռոհեր:

### ՀՍԸՄ- Անթիլիասի Պասքէթի Աղջիկները Լիբանանի Ախոյեան

Կիրակի, 25 Մարտին, Լիբանանի ՀՍԸՄ-ի «Թանճութեան» մարզահամալիրէն ներս տեղի ունեցաւ Լիբանանի ափոյեանութեան աւարտական փուլի երրորդ մրցումը, որուն կողմերն էին ՀՍԸՄ Անթիլիասը եւ Ռիատին: Սոյն մրցումին ՀՍԸՄ-ի աղջիկները խաղի ամբողջ տեւողութեան տիրա-



պետեցին խաղարկութեան եւ յաջողեցան կետերու տարբերութիւնը բարձրացնել մինչեւ 40-ի, աւարտին արդիւնքը հասցնելով 83 - 46-ի: Ընտրիւ սոյն յաղթանակին, ՀՍԸՄ Անթիլիասը հերթական երրորդ անգամ ըլլալով նուաճեց Լիբանանի աղջկանց պասքէթի ախոյեանութիւնը եւ արժանացաւ բաժակի:

Աւելցնենք, որ աւարտական փուլի առաջին երկու մրցումներուն, ՀՍԸՄ դարձեալ յաջողած էր պարտութեան մատնել իր մրցակիցը՝ 70 - 52 եւ 55 - 53 արդիւնքներով:

### Բռնցքամարտիկ Կարո Մուրատ Աշխարհի Ախոյեան Հռչակուեցաւ

Գերմանաբնակ հայազգի արհեստավարժ բռնցքամարտիկ Կարո Մուրատ իր յաղթարշաւը շարունակեց՝ արժանանալով աշխարհի ախոյեանութեան գօտիին: Շաբաթ, 24 Մարտին, Համպուրկի մէջ տեղի ունեցած IBO-ի ծանրութեան կարգի (79 քկ.) աշխարհի ախոյեանի տիտղոսին համար մղուած մրցամարտին, ան *նաքառութիւն* յաղթեց ամերիկացի Թրեւիս Ռիվեսին: 12-րդ փուլին, կարո Մուրատին ձեռնարկած հարուածներուն տարափը մենամարտի մրցավարին ստիպեց ժամանակէն առաջ դադրեցնել մարտը: Այդպիսով, ան տարաւ արհեստավարժ մարզական կեանքի ընթացքին իր 32-րդ յաղթանակը եւ Եւրոպայի ախոյեանութեան կղզումին աւելցուց աշխարհի ախոյեանութեան կղզումը:



Կարո Շահինեան Պ. Այրես



## ՁԱՅՆ ԲԱՐԲԱՌՈՅ ՅԱՆԱՊԱՏԻ

(Ա. տարի, թիւ 28)

«Մարզաշխարհ»ի 29 Հոկտեմբերի թիւին մէջ, վերի խորագիրը ստորագրած է Վ. Նաւասարդ:

Հին ցաւ եւ հին վերք: Պարապ տեղը մենք՝ մարզիկներս տարիներէ ի վեր կը պոռանք կոկորդիս պատմելու աստիճան, թէ մենք հայերս աշխարհի առաջին մարմնակրթութեան հիմնադիրներէն եղած ենք, պարապ տեղը կը գրենք, թէ Թուրքիոյ մէջ մենք եղած ենք մարմնամարզի հիմնարկուն եւ Նոյն իսկ օտարներու ուսուցիչները: Պարապ տեղ կը խօսինք, թէ ասկէ երեք քառորդ դար առաջ տակաւին միացեալ ընկերութեան շրջանին Արեւմտահայաստանի յետամաց գաւառներուն մէջ իսկ հայ վարժարաններու մէջ մարմնակրթական մեթոտ որդեգրուած էր: Միացեալ ընկերութեան տնօրէններ՝ Փորթուքալեան, Մ. Սարեան, Նաթանեան, Վանի Վարժապետանոցի եւ Կեդրոնականի, Էրզրումի, Սաւասարեանի, Մուշի, Ս. Կարապետի, Հաճընի, Այնթապի, Տարսուսի, եւ այլ վարժարաններու դասացուցակին անբաժան մասը դարձուցած են մարմնամարզը: Ցաւալի է մանաւանդ ներկայ դարուս մեր վարժարաններու դասացուցակներէն մարմնամարզի դասաւանդութեան բացակայութիւնը հաստատել:


Ազգապահպանում կը հոլովենք միշտ, փրկութիւն նոր սերունդի՝ կ'աղաղակենք, բայց ամէն մարզի պատասխանատու իր գիտցած կերպով կը վարէ հայ ազգի ապագան հանդիսացող մեր նոր սերունդի դաստիարակութիւնը: Մոռանք անցեալը. գէթ մեր յարգելի Ուսումնական Խորհուրդը օրինակ առնէ ներկայէն, երբ ամէն ազգ ներկայիս այնքան մեծ կարեւորութիւն կու տայ մարմնակրթութեան, ամէն տեղ յանկերգ եղած է սա խօսքը. «Առողջ մարմին, առողջ մտքի մէջ», սակայն գործնականի չէ վերածուած: Մենք պիտի թելադրենք ու մաղթենք մեր մարզիչներուն գրել այս մասին, Վ. Նաւասարդի օրինակին հետեւիլ եւ հող պատրաստել մարմնակրթանքը պարտադիր դարձնելու մեր վարժարաններէն ներս:

Չօրաւոր եւ առողջ սերունդ մը ունենալու համար պետք է ֆիզիքականին հոգ տանիլ: Մարզանքը պիտի նպաստէ միեւնոյն ատեն հայ ցեղի մարմնական եւ բարոյական ազնուացման:

«Հայ Սկաւուր»ը կ'ընէ. - Ուրիշ ժողովուրդներու համար մարմնակրթանքը կրնայ նկատուիլ եթէ ոչ պերճանքի, այլ հաճելի եւ օգտակար ժամանցի միջոց մը: Եւ մեզ հայերուս համար մարմնակրթանքի եւ մարզանքի հաւաքական խաղեր հաճելիին եւ օգտակարին վրայ, առաջին օրէն սկսեալ, աւելցուցած են ազգային մեծ պարտականութեան խորհուրդը:

«Հայ մարզական շարժումը երբեք նպատակ չէ ունեցած գոհանալ միայն ու միայն մարզելով մարմինը. ան մարզանքը համարած է հայ անհատին մէջ ազգային կրողը, գործակցութեան, համերաշխութեան ոգին, ազգային հպարտութիւնը զարգացնելու ուժեղ, անսայթաք միջոցներէն մէկը եւ լաւագոյնը»:

Հայ մարմնակրթութիւնը պատնէշ մըն է ուցածման եւ օտարացման հզօր ազդեցութիւններուն դէմ, հայուն դիմադրական կրողը պահելու եւ բարձրացնելու համար, իսկ անոր խարիսխը կը կազմէ հայ վարժարանը: Անկէ է որ նոր սերունդը պիտի ստանայ սեր դէպի մարմնակրթանքը: Անպատասխանատուութիւն է, չըսելու համար դասաւանդութիւն՝ անհոգօրէն վարուիլ հայ նոր սերունդին առնչուող այսքան կենսական հարցին հետ: Եւ ես չեմ կարծեր որ ազգային պատասխանատու մարմինները, նկատի պիտի չառնեն այս հարցին մէջ «Մարզաշխարհ»ի նկատողութիւնները, ըսել չտալու համար կրկին «Ձայն բարբառոյ յանապատի»:





## «ԱՐԵՎԵԼՔ ՄԱՐԳԱՅԽԱՐԻ»ԻՆ ՆՈՒՐՈՒՄԾ ՅՈՒՇ ԵՐԵԿՈՅ

ՀՄԸՄ-ի 100-ամեակի ձեռնարկներու շրջագիծէն ներս, հովանաւորութեամբ Բերիոյ Հայոց Թեմի Բարեջան Առաջնորդ Գերշ. Տ. Շահան Ս. Արք. Սարգիսեանի, ՀՄԸՄ-ի Սուրբոյ Շրջ. Վարչութեան Մամուլի Յանձնախումբը յատուկ կարեւորութեամբ կազմակերպեց «Արեւելք Մարգաշխարի» մարզական շաբաթաթերթին նուիրուած յուշ երեկոյ մը՝ Հինգշաբթի 22 Մարտ 2018-ին, երեկոյեան ժամը 7:00-ին, Ա. Մանուկեան Ժ. Տան «ԼԵՆԻՆ ՇԱՆՔ» սրահէն ներս: Հանդիսութիւնը բացուեցաւ ՀՀ եւ ՀՄԸՄ-ի 100-ամեակի քայլերգներով: Յանձնախումբի ատենապետ քոյր Անի Գալտընեան բացման խօսքով ողջունեց ներկաները եւ 100-ամեայ միութեան ու անոր շարքերուն մէջ ծառայող բոլոր ՀՄԸՄ-ականներուն յարգանքի խօսք ուղղեց: Այնուհետեւ շաբաթաթերթի մասին տեսերիզ մը ցուցադրուեցաւ, պատրաստութեամբ Նայիրի Ազարիկեան-Արոյեանի: Թամար Աւետեան-Գատեհեան, Սօսի Բեօրիկեան, Մարինա Զիլվերշեան-Պօղիկեան եւ Գարօլին Զիւրքեան-Արոյեան շաբաթաթերթէն հատուածներ ընթերցեցին, իսկ գայլիկ՝ Արա Արոյեան արտասանեց շաբաթաթերթին մէջ հրատարակուած «Քալէ՛, գայլիկ»էն հատուած մը: Օրուան հանդիսավար Սեւան Ազարիկեան-Պարմաքսեան հրաւիրեց օրուան բանախօսը՝ «Գանձասար» շաբաթաթերթի խմբագիր Զարմին Զիլվերշեան-Պօղիկեանը, որ «մարգաշխարի» շաբաթաթերթի հարուստ բովանդակութիւնը ի յայտ բերելով կարեւորեց անոր դերը 1957-1963 տարիներուն՝ Սուրբոյ ՀՄԸՄ-ի ծաղկուն կեանքի պատմութիւնը արձանագրելու եւ շահեկան յօդուածներով հայ երիտասարդներուն ցուցմունք տալու ուղղութեամբ: Ան դիտել տուաւ, որ «Մարգաշխարի»ը մարզական սովորական թերթ մը չէր, այլ «Առողջ մարմին, արթուն միտք» կարգախօսին մեկնաբանն էր՝ իր մարզական տարողունակ լուրերով եւ յօդուածներով: Ան էր, որ հայ երիտասարդութեան մարզական համաշխարհային ձեռքբերումներուն անդրադառնալով՝ բարձրանալով բարձրացնելու ուղին լուսարձակի տակ կը բերէր: Պօղիկեան ՀՄԸՄ-ի պատասխանատուները հրաւիրեց «Գանձասար»ին հետ գործակցաբար գարկ տալու մարզական-սկաւտական յօդուածագիրներ պատրաստելու աշխատանքին:

Այնուհետեւ Եղիա Զիլվերշեան մեներգեց «Հայրենիքիս հետ» երգը՝ ոգեւորելով ներկայ հանդիսականները: Ապա ՀՄԸՄ-ի Սուրբոյ Շրջ. Վարչութեան ատենապետ Մանուկ Բեօշկերեան Շրջ. Վարչութեան խօսքը արտասանեց՝ կարեւորելով Սուրբոյ ՀՄԸՄ-ի յաղթանակներն ու մարզական, սկաւտական կեանքը արտացոլող «Մարգաշխարի»ին արժէքը: Ան շնորհակալական խօսք ուղղեց Առաջնորդ Սրբազան Հօր, որ մըշտապես նեցուկ կը կանգնի ՀՄԸՄ-ի 100-ամեակի ձեռնարկներուն: Շրջ. Վարչութեան կողմէ ան բանախօսին նուիրեց յանձնախումբին հրատարակած «Արեւելք Մարգաշխարի»ի խմբագրականներուն գիրքը: Աւարտին, Արթ. Տ. Տաթև Ա. Զիւլ. Միքայելեան իր սրտի խօսքը արտասանեց՝ յայտնելով Առաջնորդ Սրբազան Հօր բարեմաղթութիւնները: Ան հայ ժողովուրդի կեանքէն պատմութիւն մը ներկայացնելով ժողովուրդի մը անմահացման համար անհրաժեշտ նկատեց գիրք, գրականութիւնը եւ գիրքը: Ապա շնորհակալութիւն յայտնեց ՀՄԸՄ-ի Սուրբոյ Շրջ. Վարչութեան, Մամուլի Յանձնախումբին եւ օրուան բանախօսին՝ բովանդակալից այս ձեռնարկին համար:

Հանդիսութիւնը փակուեցաւ «Պահպանիչ» աղօթքով, ապա ներկաները «Յառաջ Նահատակ» քայլերգը երգեցին, այնուհետեւ դիտեցին «Արեւելք Մարգաշխարի»ի ցուցադրուած թիւերը:

**ՀՄԸՄ-ի Սուրբոյ Շրջ. Վարչութեան Մամուլի Յանձնախումբ**

